

EMINENTISS. ET REVERENDISS. PRINCIPI, ET D. D.

FRANCISCO ANTONIO DE LORENZANA ET BUTRON

B. R. E. PRESBYTERO CARDINALI, ARCHIEPISCOPO TOLETANO, HISPANIARUM PRIMATI ET GENERALI INQUISITORI, CANCELLARIO MAJORI CASTELLÆ, REGI A CONSILIS STATUS, PRÆCLARI REGII ORDINES HISPANICI CAROLI III MAGNA CRUCE INSIGNITO, ETC.

FAUSTINUS AREVALUS.

Quod diu multumque doctissimi quique exoplabant, ut Isidori sanctissimi Hispalensis pontificis opera et cultu eoque ordine, qui etatam hanc nostram deceret, denuo in lucem prodirent, id post tot irritos plurimorum conatus quod ego præstare in me reocperim, in varias fortasse reprehensiones incurram. Verum nihil ea de causa ab incepto deterritus, te auctore, et auspice, princeps eminentissime, in quo uno et spes et ratio studiorum meorum est omnis reposita, majus etiam quiddam, quam quantum aliorum volis satis esse posset, aggredi sum ansas. Cum enim multi præclara doctrina, et ingenio viri cum patrum et majorum memoria, tum hac etiam nostra sive in Operum omnium S. Isidori, sive in hujus vel illius tantum editionem perpoliendam absolvendaque diligenti studio incubuerint, quorum commentationes partim prælo ille quidem subjectæ, sed dispersæ, et raro obviae sunt, partim adhuc mss. latebant, non satis me aut charitati pietatis adversus Hispaniæ nostræ Doctorem, aut grato animo adversus eos qui res gestas ejus lucubrationesque illustrarunt, facturum esse existimavi, nisi omnia aliorum ejuscemodi scripta, suis quæque locis apte disposita, in unum veluti corpus colligerem, et, sicubi opus esse videretur, ad veri normam revocarem. Ita prosector fieri, ut adjectis iis quæ pro mea virili parte adjicienda esse censui, haec mea unius editio instar aliarum omnium haberi possit. Quod meum consilium si tibi, princeps eminentissime, probabitur, vel potius quoniam probari tibi jam intellexi, non dubito quin illud etiam cæteri omnes, vel tiadem quæ me moverunt, rationum momentis compulsi, vel judicii tui prærogativa incitati, libentibus animis probatur sint: atque adeo reliquis tuis immortalibus in optimarum artium studia meritis Isidoriana nova editio, ut auguror et opto, veluti cumulus accedet: nomenque tuum, cui nihil ad commendationem amplitudinemque quod addi possit, secisse reliquum videris, tamen in clarescat illud quidem aliquanto magis, non minus inter illos qui sacras litteras patrocinio suo foverunt, quique sui memores alios fecere merendo, quam inter eos, qui earundem litterarum studia ad perennem nominis recordationem famamque excoluerunt. Deus te, eminentissime cardinalis, et presul amplissime, litteratis viris Christianæ reipublicæ, atque Hispaniæ cum primis nostræ, cuius tam magnum lumen es, sospitum incolunemque servet quam diuissime. Ita rovebam. Ex Urbe, Kulend. Januor. anni 1796.

ISIDORIANA,

SIVE IN EDITIONEM OPERUM

S. ISIDORI HISPALENSIS PROLEGOMENA.

Pars prima.

DE VITA, REBUS GESTIS, ET DOCTRINA S. ISIDORI. DEQUE EDITIONIBUS OMNIA EJUSDRM OPERA
COMPLECTENTIBUS.

CAPUT PRIMUM.

Accurata operum S. Isidori editio difficillima.

Methodus in his Prolegomenis adhibita.

1. Periculosa plenum opus alex aggredior. Liceat enim mihi id nunc prefari, quod potui etiam tum, cum ad veterum scriptorum opera cum manu-scriptis exemplaribus conferenda primum me accinx;

sed nunc certe gravioribus etiam de causis profiteri ausim, in hoc studiorum genere plus laboris ac difficultatis inesse, majoremque doctrinæ copiam requiri, quam vulgo ii putant qui aut nunquam ipsi experti sunt, aut ne de vera quidem doctrinæ laude judicare possunt. Franciscus Robertellus, qui de arte, sive ratione corrigendi antiquorum libros disputa-